

〔享祿本類聚三代格〕^六太政官符

初任官人并散事季祿事

右依令自八月至七月上日一百廿以上者給春夏祿秋冬亦如之此則六月之內上日三分之二以上乃給季祿而承前所行初任之官不限日之多少皆依給祿之例今被右大臣宣稱奉勅自今以後改張此例起自任日至于限月上日不滿三分之二者不在給例又二月上旬新任者雖祿文未奏而既在限外宜入後季計日給之其給馬料亦准此例

大同三年十二月廿六日

奪情復任季祿

〔延喜式^{十八}〕凡令稱初任者は無祿任有祿其有祿遷有祿者不入初任之例但別勅才伎長上諸司者任職事官與初任同馬料亦此其在外官人遷任京官會給祿者聽入給例謂正月七日卅日以前上日隨身者

〔延喜式^{十八}〕凡奪情復任之輩雖上日滿祿限而任在奏祿文日之後不得更給

〔令集解^{二十三}〕或釋云其遭喪解官之徒周期之內復遷任者不在初任之例通計前任日給耳何者為未付散位考帳故餘同上釋但無和銅三年以下入初任之例耳

從外任遷京官季祿

〔續日本紀^{七元正}〕養老元年十二月壬申太政官處分始授五位及從外任遷京官者會賜祿日仍入賜例

前上日隨身者

〔令義解^四〕凡行守者並依行守處給謂假令帶六位人行七位官者給七位祿之類也若一人帶數官者祿從多

處給謂若高官之日少而卑官之日滿日仍從高給也

〔令集解^{二十三}〕穴云帶數官者祿從多處給若上官專无日者依下官祿其上日為不上百廿日故解

官耳但上官與下官通計滿百廿日者依上官給為考累從一高官同義也若无高官日者從卑官祿耳朱云一人帶數官者祿從多處給謂高官日滿時耳後反若卑官日滿高官日不滿者依卑官給也